

沅
湘
耆
舊
集

沅湘耆舊集卷第四十五

新化鄧顯鶴湘臯編輯

長沙毛國翰青垣校訂

劉行人友光

一百三十首

友光字杜三攸人前明丙子舉人入國朝爲沙河知縣陞行人未赴卒著有西遊草南北行吟把茅外紀終風宵鈔南園雜述憩嶽堂詩略香山草堂正續等集杜三名重一時詩文書法所至羣推服與同郡郭幼槐陶密庵及吾郡車孝思潘章辰諸先生交尤篤今搜其稿多佚其見於新城感舊集廖氏楚詩紀陶氏詩的鄧太初辦香詩選及方

志等書者篇什寥寥近辰谿賀學博德宗所輯攸
輿詩鈔中有香山草堂集一卷摭拾略富而佳篇
又往往見遺杜三詩悽切婉秀善於言情與竟陵
交而不全墮彼法早歲師吳梅村亦不襲其風調
楚攸多詩人掉鞅詞壇希蹤先哲斷推此老今合
諸家選本決擇得古今體詩若干首爲一卷七古
頗多棘塞蒙所不取故不多錄杜三原名自煜字
魚計別號鸞傭晚歲又署所居曰輞庵故又稱輞
庵居士云

攸輿詩鈔香山草堂詩初刻曰得鈔南
州朱徽爲之序稱其五七言古體蒼鬱

輿衍如三代彝器光彩不可逼視其近體五言則
句響泉流韻飄雲裔婉麗入摩詰之室沈著登少
陵之堂七言清新警異無刻畫之迹而與致油然
鹿門天隨之幽奇紫薇文昌之韶秀兼而有之續

刻曰柏庵清韻曰燕趙游草曰吳越存瓢曰朝庵
逸句曰南澗佳詞曰沙署閒吟此外又有西遊草
南北行吟把茅外紀終風等集輒庵逸句自序謂
自十三學爲詩隨趣屢變如雉燕入海始則差池
共羽一旦爲庵爲蛤不復
知翔林薄巢垣屋之娛矣

除夕

金雀迴嚴風雪花大如席委羽山頭龍銜燭透窗隙萬竅
怒不霽寒威在肘腋歲暮望優游甌盎各蕭索憶昔盛年
時遠遊何氣魄上公開貂幄珠履粲門戟而我獨匡牀同
決千里策軍書雖狎至盾鼻傳絡繹運營收青犢其醜亦
幸獲骨相不宜侯山水衣當白萬錢散與人還來亦不惜
錦瑟羅玉壺履錯通薌澤漁陽鼓動地鸞聲墮金厄有家
在江潭蘭橈非疇昔山鬼日夜嘯食人肉不擇羸糧辭邱

沈氏有集卷第四十一
隴樵悴淹五劇帚敝不供埽相門車庫積裹飯雖到門琴
怨兩何益儉不待明年飽喫慰今夕火城明鳩鵲珠鞭穿
九陌照耀送窮人縛船爲鬼役南來路多歧何處投汝跡
送陳昌箕之任南平廣文

我昔方弱冠南遊到牛渚起臥醉花間絃管狎柔櫓君時
亦翩翩抗手同雲路秋霜不惜人彈指各隨暮海塵旣已
飛相對但惻楚垂老更無家宛然見杜甫友亦鄭廣文坐
瓊寒劔浦南平山色幽油油望離黍蜀帝杳難期何天不
杜宇天寶遺事多慷慨徒懷古臨歧涕泗零春花落微雨
寄永新令黎愧曾

霜月上秋山潔暉明千里琴水相滌洄流寒淥無比我年

昔弱冠青鞵從此始沾沾裘馬閒清狂爲人喜賢宰喜我
畱襟帶吹蘭芷白日倏西匿大風塵四起原野厭人肉公
侯等大豕井鮒蒙大索傭春重過此山深無靜柯水涵有
蘋尾擊汰頻溯洄步月空徙倚誰憐爨下桐取暢蘆中士
簞笠旅纓簪聚舞淩都鄙瓜圃釣船中風日仍和美敢云
葭葦親差保薜蘿恥 少帝近臨軒廓清到釜簋襦袴騰
風謠四海歌孔邇使君天下才冰玉清無滓落葉哀蒼生
霖雨無津涖餘情及名山大雅摧淫靡弱蘿仰喬松雲龍
亦妄擬銅盤羅閨彥而我失鞭弭風花滿簾閣飛灑及覃
耜輟耕盼雙鳧滿引田閒裏朝拂葛屨霜擊鼓誦君子

樂江南

君自樂江南不知湘水長君本湘江人不聞湘水香妾家
小門巷宛轉渡寒塘芙蓉三四里步步有鴛鴦送君從此
去寶馬穿垂楊楊柳絲百尺不繫紫駟韁只知弄春風吹
我玳瑁牀蒙君不記憶述此人意傷浮雲蔽白日明月入
虛廊是君少年時贈作耳邊璫君今在何處猶是昔時光
照花不入戶移影出高牆君亦低頭否此中有故鄉

和黃州萬師二見懷

湘草雖長芳謠詠何能裨我馬風亦嘶伏櫪誰顧盼冉冉
歌離騷惜陰思秉電餘生逐豺虎其欲何能善卓哉吾萬
子褐玉亦不薦蹇步朝元宮虬松恣小戀草蔬類茅容亦
爲盤餐炫風土思黃州垂涎麋鹿賤豈但隔風濤而且異

鄉縣山雞各有羽同時深保練明月照三市
綠樹敢辭倦九疑不甚高雲雨生對面

春漲

春漲勢奔騰沒岸江無路牽挽人力窮漁
罾許依附微雨散長林新綠已到樹下瀨
傷歲華無憂輸鷗鷺隨波何浩浩捕魚亦
緩步催耕發鳥聲有穀及時布津梁疲歲
歲飄零南畝誤所歷諸峯巒記憶不能具
遠黛觸岫寒忽到花石戍野圃出哀角飛
泉無可注

宿清風店

明月度清風中連如掌雪長橋走珠鞭我
馬意殊劣日寒氣頗瘦雖旭何能熱三歎
石將軍桓桓酣駟驥匹馬救中

原飢餐賢王血奪門何妄意身隕名亦滅豈畏飯廣謠遂
巡爲覆轍四顧望神州慘澹何忍說九原如有知浩氣化
虹蜺

寄舊令朱漢臣

蓮勺秦時月水色碧於玉中有焚魚人臨軒濯雙足蘭芽
宛中央妙技能刻鵠溯洄望蒹葭淒愴亂心曲我有一畝
宮三徑殊局促君昔抱琴來親見山水淥桑麻藹輪蹄蕭
管轉華燭桑扈託晨風翔啄我粟埔壑何蕭條齏盆亦
不浴丁男鬻已盡寡妻猶岸獄安得舊雨來擊鼓洗桎梏

十里亭

自注沙河西蘇秦陰資張儀處今有東西兩蘇莊

儀秦倚松姿鬼谷同愛惜後有非與斯亦分蘭陵席四君

雖異轍爭以秦爲策蘇說秦不用甘爲六國役從親慮反
覆資儀以自畫豈有曰杵情脫友於困阨陋哉武信君哢
笑無所擇妄謂客卿榮安知蘇扶掖可憐李丞相忍令非
就磔青松委風雨車笠蒙棄擲季子雖詭秘猶能念疇昔
郵亭閱歲華悽風吹燕麥餘謀惑魏人生死情遂易口吻
固多知難彌虎狼隙衡成終不保難辭亡友責三歎謝始
皇何能不逐客

牛口

自注沙河西唐文
皇敗竇建德處

隋鹿迷江都羣雄各飛揚獨有太原人豁達不尋常夏王
亦人傑崛起漳南鄉一發聊城矢義問振王章舉哀謁元
后傳首洗國殃能原琮與蓋大義燦日光恭帝猶守府意

氣託鄭王布席催尺帛屑齒遂參商亮節爭豚魚五鳥下
翔翔神器顧有託忘讐濟洛陽謠聲散刁斗祭酒謀徒臧
素服詣軍門不及中樂強文皇雖英畏失律馭四方世充
實篡人徙蜀怨豺狼胡爲寶忠武血酒齒劒霜豈因河北
恥含憤雪黎陽英風感千古落日暗嘯蜚

送仲潤宗候

一月寒遊客鐘聲習讀書馬首行亂山雲氣出衣裾其中
有畫理筆墨縱所如去去圖一紙幽處慎勿虛倘念故人
情溪邊立我廬至日期相寄知君到家初

就竹聲作屋初成雨過遂題

看君裘履外結託惟數竹相敬如高士因依以成屋窗櫺

有專向寒綠延几籠零雨值客來坐久皆新沐夜蛩置一人愁歎起蕭穆忽被秋聲入深山下寒瀑

月夜獨趨馬當

太行豈不高呂梁豈不波青浮馬當煙隨我深夜過明月在襟袖船裏落嵯峨上有星辰色光影及龍鼉桐江煙雨際予來具釣蓑

薄暮自湖心亭放舟入龍堂登白蘇閣望南北二高峰

落日不可迫新月隱高樹峰陰微暗湖爭照湖邊路芳草動春風青散遊人屢運代隔白蘇湖山引之聚喧寂時時殊二公察朝暮著我獨樓人並來成良晤嵐翠日夕佳虛

懷商深趣人影散如煙畫船隱香霧我歸猶未得疏楊戀殘步

從九里松取路登韜光

晨光山翠高坦步沿松影劈竹疏泉脈聲落僧廚冷海色樹杪來碧委兩峯永並盪旅人懷胸有波千頃倚石目雙俯雲物伏諸嶺冷泉照歸路亭上發深省

舟泊廬山下阻風十七日赤日焚如選樹陰深處坐焉讀步兵傳甚快家人覓村醪至且讀且酌頽然樹下率爾有作

南風競炎夏飄迅乃其時舟槩樂高閒取蔭廬嶽陞把書就樹陰心與古人期阮公涉世老愼悔良足師名士遭篡

殺全身多自欺妙哉酣酒色用以遇明夷區中豈不寬蠅
蚊著深帷嗟我匿敗如步履猶慮虧於酒無深嗜偶飲亦
不辭舉盞類學步沈醉愧君知

江上述懷呈寄劉晉卿編修

春風吹江水微綠台高岸遙巒送頽青隨雲到几案泥水
絕賓客飮牛天未旦苔深不逢人芳草誰與玩端居思君
子皎皎立霄漢高馳謠詠中芳洲亦衍衍嗟我遭多凶兵
飢不可追彭衙與杜陵同聲發遙歎潭黑龍無知豚盡孤
不憚賢哉元瀼溪靜以安人難洒淚讀春陵言發乃思亂
賊退感傷憐虛懷人多汗辛苦經濟材悠然自稱漫公抱
治世資閱人胸燦燦請看石魚湖風流雲不散

送陳逸子南遊

春光豔河渚柳花飛鬢白江湖乏偉人君欲去作客帶甲
在天地英雄尙草澤江山麗陪京中流獨岸幘虎龍眠深
翠高皇能總核瞻付寒乞除眼底聲靈赫閉門誦天人治
安終妄策知君有勝情辛苦事行役六朝草尙青不入烏
衣宅悲風自天來清怨吹今昔南音氣渺渺鄉心不可易
蒼涼隨伊蓬聲落梅花夕

庵僧移竹置讀書處

草屋深深佛同住庭柏綠人來處路一窗以外寡所營寒
碧蕭蕭影相護疏密不隨人位置散逸橫空森列布從今
有月無全影靜覺窗聲貯秋露

種竹

憶昔讀書在山谷常移數枝植僧屋
磬聲泉韻歷其旁濃陰蔭我同古木
數年城居別已久每一相思如良友江
干結茅半畝餘爲君特設一窗牖荷鋤
纔竟疏櫺西便有修鸞無數棲預愁看
竹人來取別覓佳處開新蹊

九日風阻感懷

吾生固已渺天地豈云寬出塞人垂老
還家歲又寒全生探虎穴失計愧漁竿
舉步多荊棘何由遂考槃

感述

強將喧鬧慰衰鬢任支離螻蟻何多穴
鷓鴣未有枝簾開銀蒜滑花落玉鞭遲
不及瓜田笑年年換米炊

過李宗伯舊址

四面青山在還依李翰林防邊先出突鉤黨合投簪苔沒
瓢花影鳥飛舞榭深風流廚俊散無復望知音

柏鄉月下

鄉國知何處低頭月苦明蛩涼多浪語雁暖急南征柳墜
金渠翠秋淒玉笛清吏人催曉發羣馬散朱纓

答遺橋二首

千戶何寥落江陵舊業荒未蒙足衣食徒自飽風霜蝶夢
前生蠶僮移挂壁筐玉塵堪決賭局竟便龍翔
酒中驕一卷得頌舊曾吟深抱踰淮慮頻傷將母心空名
洲尙在厥貢楚相尋天意知難問吾愁轉易深

看家僮縛竹枝作簞

高節空雲表何因結束深幸憐歸潔意同有遠塵心微損
青苔致無傷古木陰辛勤緣客至荒徑有誰尋

柯怡小築落成

芙蓉青百尺氣勢壓晴簷隙地營雞柵鄰牆出酒帘渠疏
泉入甕松響鶴開簾鼠雀憂難免殘生老米鹽

江園久蕪偶過有作

步步數峯在牆衣淒綠蕪殘生浮戰鼓塵網挂寒蛛葉落
窗疑雨蘋涼鷺引雛竹竿秋水上明月拂珊瑚

淮安懷萬年少

原注年少名壽祺舉丙子孝廉居臨西草堂

淮陰男子少匹婦遂知名垂淚過城下中流望友生徒來

書鳳字獨去聽雞聲做帚留年表曹滕賴主盟

秋陰寄王山長

一寸心中地容憂竟萬端樹涼蟬命促蟲苦蓼陰寒蒿里
觀狐穴桃花忤釣竿夢中絲竹在落葉滿長干

喜吳友于自禾川至

何意慕高士孤衷恐出羣畏人門掩竹向客坐分雲獨樹
還栖我秋山已屬君

自注秋山禾川山也

旅居疏磬下酌酒送斜曛

訪諸子不值思還輞庵

城居喧若此心亦愛吾廬行盡寒塘晚情深一磬初橘香
奴滿戶松老鶴移居得報深相念山僧屢寄書

登雨花臺遂謁方正學祠

城南徐縱步，猶是暮春天。晴散六朝樹，山收萬井煙。嘯鶚
昏廢廟，含淚謁先賢。登眺如觀史，感懷落照邊。

碓山阻雨

蔓草無拘束，榮敷滿綠疇。招民遷絕塞，

原注時有招民
開荒授官之令棄

地徧中州。驗歲空占雀，經春失飯牛。黨人衰漢業，未敢恕

清流。

原注漢郭
泰確人

高閣延羣岫，空濠耐一看。知時真好雨，問俗亦農官。衰白

餘雞肋，遙青墮馬鞍。

原注馬鞍山
名卽朗陵

故園松菊香，沾洒碩人

寬。

過蔡野鳴山居不值

天林思把臂，孤鳥悵離羣。有人堪畫紙，出岫且隨雲。竹粉

窗新墜松濤鶴竊聞胸中能事促邱壑總紛紜

得關東陶石長書知舉家入滇感寄

袖裏三年字情因委曲傷舉家原異縣垂老更投荒束縛
依嚴武飄零過夜郎相隨雖有夢風雨暗盤羊

雪棹迴何急孤雲隔海看度遼畱草帽懷楚戀南冠號飯

鱗兒小懸鵲憶歲寒無絃琴自好原不向人彈

原注石長
居滇十年

近湘潭卒居巴陵子嶽號
甄夫終身行脚識者哀之

宿雲峯寺贈湛上人

結庵上絕頂度世下雲峯松蓋分巢雀紙窗微碍蜂龍尋
牀下鉢石集講時鐘語我天台路白雲猶未封

暮宿淨瓶巖

晚霽人行影諸峯翠倚闌鐘隨千界滿門立一僧寒筍老
春陰薄雲歸岫路寬青螺浮百寶光散此林端

長沙雪夜感事

窗紙風鳴急迢迢夜未央鐙寒無氣焰
飢罄情郎當應手冰成柱張牙鼠穴牆閉門吾有意飄泊臥難僵

冬晴過酌廖大隱草亭

蓬飄吾老矣無復愛吾廬欲擬閒居賦須求種樹書過牆
醪每濁受嶽牖宜疏綠墮寒蕉盡同知昨夢虛

招陳耳臣讀書柏庵

寒花初退樹綠葉向人森一壑宜孤往亂峯難獨尋牛羊
昏後景鐘磬曉時心甦勉春殘意深情念古今

姬人以茶筍見寄

一僕來兼雨封題靜與尋
念分茶筍至相對嶽雲深
頗有高僧意能知向佛心
待晴山益翠攜去聽幽禽

同僧去凡六兄樸先坐月柏庵

夏淩寒猶積悠然山夜期
佛能分晤對月自課威儀
坐共光初滿看深影漸移
遙遙思往夕應悔入庵遲

酬馮輦公南嶽寄書

念子懷人意同將嶽理存
衣裳雲氣靜輿馬葉聲煩
置我書千帙爲窗竹一園
此中期莫負山色杜柴門

約程穆倩并舟入鑾江榜人未曉先發披衣推窗已對六合縣山悵然有懷

堅約何由誤貪眠失爾舟開蓬山異縣遠堞樹依樓岸濶
春新漲江寒晴散鷗相思何處是落日滿眞州

停舟第五橋待篆仙入十八礪作

花飛深久坐賴有待君情柳色高煙舫橋聲散曉鶯竹筇
如礪碧客緒與山青略具茶香致僧閒即可盟

送葛震甫還洞庭

楚客三千里何堪說送人四松真可念三徑老來鄰耆舊
傷歸棹興亡閱此身大湖漁舫在煙雨足垂綸

寄方密之

家破貧非累憂探寇未平避人空下淚絕口不談兵桐向
秋辭碧門臨溪轉清月明思汝別舞袖徧琴箏

送胡孝緒還武陵

麓翠垂寒雨逢君罷遠遊離羣傷子夏分手正殘秋紅見
南湖樹青浮枉渚舟躬耕商避地無過武陵幽

將入閩應召徑衡夜宿前溪寄故人王而農一首

飄零吾久矣離亂欲何之愁絕遙天暮哀餘斫地悲南音
同柱耳西爽獨支頤相見情無限何能盡所思

送蔡江門貳守督漕

王食由來萬國均河漕功罪恕先臣杭香遠下牙檣烏柳
絮閒吹錦纜人書畫滿船虹有氣雁鴻哀渚岸無春淮徐
貢道堪憑弔痛哭長沙淚眼新

輞庵憩獄堂落成

新開白老一堂成粥飯隨緣卽化城礙月微嫌多樹影通
廚猶算少泉聲雨中南嶽秋無限戰後北邙眼未明近日
逋逃來竹下從他魍魎日縱橫

雨雪中治先安人墓畢感賦二首

霏霏雨雪四山垂烏雀無聲望轉疑煙蔓已隨封馬鬣
車誰遣會牛醫及泉難盡寒羹淚斷竹彌深逐肉悲獨有
深情王太保遠遺諛墓到孤兒

櫻笠芒屨稱藐孤十年叢棘繞微軀側身天地錐難卓流
涕杯棬澤已枯芳草悽迷春雨憾生芻寥落世情殊寒機
軋軋鳴田婦腸斷鐙前萬轉呼

岳守諸六在解官羈長沙有贈

萬頃茫然思濯纓一琴一鶴岳陽城止因我法成三黜每
畏人知說獨清山鬼長吟多雨國湘娥不散白雲情江湖
雖遠心懸闕豈獨憂讒惜子京

生還

生還偶遂似羌村翦紙相招澤畔魂觸熱青蠅終被獵訴
寒鸚鵡最能言乘風挂席漁歸浦冒雨移花蝶到門惆悵
當時王錄事草堂三歲不成軒

真定道上遇雪

誰從爨後識勞薪漫遣奔車試軟塵自笑孤雲輕出岫何
能大雪不干人梅花未有江南信麥飯重開漢業新家在
郢中歌一放無心定擬是陽春

丁景呂南遊索書與梅村師聞師連舉三子卻寄

哀緒三眠柳漸酣綠經江北更江南門餘三尺淹留雪野
墜同時痛哭簪貧已無家依獨樹春猶遣興到雙柑門生
老去諸兒稚醉後何人可舉籃

朱漢臣使君被議聞重到長沙候命有寄朱鎮番人
也

長沙木落水蒼蒼秋色從來遠此鄉薏苡一車瞻北闕葡
萄數斗憶西涼大瓢日負行中野獨樹年來稱草堂可有
山僧堪夜話不妨風雨又瀟湘

江上乞米詩

風濤竟日苦相凌寂寂炊煙已不升粗糲自慚儒已腐團

沙空說佛徒蒸叩門有意言終拙蒙袂逢人我不能卻羨
惠州蘇學士何因飽飯日騰騰

誰將一飯進王孫虛擬千金未報恩仁祖多情人共見平
原有例帖猶存何堪翫蟻徒終日悔不爲農妄鑿垣灰盡
壯心無可說簫聲只合老吳門

都下旅懷

隔幔銀箏試小垂誰憐刺繡到修眉梧桐雨落思鄉葉楊
柳風傳出塞絲漢女金盤龍窄袖粵裘珠貫獵連騎故侯
瓜向陽陂老三摘空餘抱蔓思

宿湯陰

琴聲愛惜恥王門匹馬還投落照村鄂國魂銷風角冷侍

中血散雨燐昏詞場遺憾收銅雀野店留人索瓦盆秋色
長沙真獨遠無邊木葉下中原

贈于念劬方伯于由館職外擢

大蒐玉笈向林芽平準書曾陋漢家
廢吏漸聞除害馬宮香猶未散盤鴉
蕙蘭九畹天難問箇簞三邦貢有涯
公到哀鴻歸滿澤呼從明月下平沙

和山長贈我法韻

蓬徑惟容二仲過風風雨雨砌苔多
眼前絕少談天侶醉後還同據地歌
笑我放雲輕出岫憐君對客尙懸河
五侯已散青門遠空向山中負薜蘿

雪夜集龔芝麓大司馬署中卽席贈紀伯紫

垂老江湖何所見，偉人意外一開顏。
孟嘉入座驚餘子，諸葛籌邊定百蠻。
刪後詩多傳淥水，戰餘吾未有青山。
近聞楊柳曲，全怨已逐春風出玉關。

湘岸五日招徐仲昭再集，卽送之還宣城

荷蕰蔥帶自芳芬，風轉驪歌特地聞。
湘岸莫忘能語燕，敬亭猶有未還雲。
薄移蘭棹收香草，逼近漁竿已夕曛。
喪盡楚魂惟痛飲，與君搜剔大招文。

猶郭少司馬涇湖草堂久披緇人外矣

長沙秋色不相聞，日落年年望夕曛。
尙許漁津容子驥，未成雞柵累宗文。
自注：時公偕少子同隱。匡時晚節榮青史，竟日留人話白雲。
湖後蓮花三百頃，此中佳趣肯誰分？

遠遊慙愧望衡門幸不輪摧谷口轅徑造庭前參柏子宛
然八外有桃源年來種樹翻家譜老去尋山報國恩多少
大招吟不得南方銷盡一時魂

投贈王長原學憲并懷吳梅村師

江離南映洞庭波騷後王褒采采多月照珊瑚收鐵網雨
吹荊棘暗銅駝雞林爭市斗亭草牛背徒工白石歌爲問
梅花村獨迴年來玉樹定如何

張兵憲以夏日遊嶽麓詩索和次韻奉酬

閑遣青騶複屋閒憑闌時一待雲還少陵寂寞空懷麓太
傅風流只看山日落帆隨青草去月來僧啟翠微關百年
勝會惟今日更有何人許共攀

衡陽路盡此崔嵬急管傳呼後騎催金簡銷沈芳草合玉
虬縹渺陣雲開天高曾許靈均問魂去難招宋玉哀江北
江南楊柳在清新獨有庾公才

感懷一章簡大隱

竹門閑掩惜樞繩弓墮杯前影漸增早歲逢人多白眼他
年弔客望青蠅夕陽目送牛羊下屋角心驚鼠雀能成鼓
風高淹數疊夜長無寐只留鐙

予以赴簡淹郡七月七日立秋是歲丙午大旱作此
一章簡大隱

悲秋自古說長沙憔悴浮生未有涯黃葉流傳詞客賦青
門搖落故侯瓜臨風苦聽蟲能語不雨誰憐鼠有牙嬾乞

月明今夕巧久從愚谷已成家

倦游

倦游息影綠沈苔隨分疏栽處士梅雨後閒僧探筍信春
時遣婢驗花開鶯曉解遞如簣弄鶴慧能知報客來莫奏
長楊思諫獵畋游勲策盡雲臺

衆濁何由得獨清湘江汜汜憾難明臨流思與魚同樂關
穴愁聞蟻不平老愛銀箏催度曲少曾鈴閣坐談兵近來
又學飯牛訣長被鄰人喚耨耕

將赴沙河畱別譚灌邨司業

聯吟卅歲與心期鈴索終嫌隔鳳池宮燭送歸頻到晚土
牛騎去亦何遲唱籌且喜沙無際止酒先知秫不宜

自注
縣治

以清者有身 卷第四十五
二
爾望皆沙而 惟向梅花尋太尉平原畱得未殘碑
稻種無聞

沙河苦旱余以六月抵任遂連得大雨

薄餅銀慙事宛然曉風殘月憶當年到門偶有隨車雨披
草先尋行菜泉涕淚受官何至此悲歌問俗不如前先人
彈罷南薰曲猶有桐鄉父老傳

過圓津庵

遙望精廬謁辨才風傳午鐸出雲來藤因老大隨身杖樹
送陰涼說手栽揮汗終當嘲熱客急流誰與畫寒灰廬陵
米價君知否粥飯隨緣不用猜

秋日展祭宋廣平祠

荒祠一望樹全遮華酌將陳鼓數搗流血公先芟穢草招

魂吾欲問梅花楚州淚向清宮墮峭谷春回北轆嗟一片
平原殘碣在青燐寒雨夕陽鴉

開國貽謀泣長孫司晨終有牝雞存教坊已進優人魃嶺
表難歸處士魂風定哀蟬棲弱柳天涼飢鼠拱修門我來
一問靈荃憾慟死怏怏亦可原

門前

門前流水滿荒渠鳬雁東臯生事虛對客長年羞五穀憂
讒無事哭三閭春來爭鬪移花檻鐙下閒抄種樹書四海
故交零落盡幾人畱得在焦漁

趙洞門先生同胡石江給諫諸子小集醉後復同過
石江郎中索酒更酌友沂用石江扇頭韻卽席同賦

蒙莊空熟物難齊更學逍遙手共攜玉塵當筵無可敵銅人辭漢只空曉葡萄夜半隨貂暖楊柳春深入箔低悵望諸陵山色在年年爽氣尚橫西

過玉泉山憩呂公洞遇王敬哉宗伯談西山往事

一泓羅帶碧於苔意外從公與溯洄閣下未畱韓愈跡山

中更有謝安來芙蓉墜瓦鴛鴦散自注金章宗構芙蓉殿於此山芳草迷

鄉鸚鵡哀聽說殿園沾聖澤冬青無用布衣裁自注王公述

世祖命諸臣修明暇園且禁天壽樵採

扶筇同爲杏花忙倚檻平臨勝蹟荒輦草尚含宣廟綠自注

宣廟曾幸此山隄楊無過暮春黃王家觴政原流水呂洞泉聲獨

繞廊欲就白蓮弔太僕愁聞粉墜不成妝自注擬過米太僕勺園

泊維揚登梅花嶺作

殘春漸了泊揚州香動黃昏嶺上浮芳草彌深臺榭雨垂楊只聽管絃舟平山客杳荷花散郡幕人閑芍藥愁誤有詩名齊小杜恐傳薄倖到青樓

中野

蕭蕭中野已無家擊木聲高亂暮鴉久住山中焚柏子略從籬外補梅花兒癡睡熟三竿日歲計全憑滿架瓜欲買五湖舟一个不知何處是天涯

新春仲玉舅氏枉顧草堂有作

諸峯宛轉馬蹏輕引視山田薄亦耕鄰樹當窗施鳥食寒溪得雨活春聲瓦盆妙理醪常濁戍角經心憾未明鑿翠

新開雲外牖晚來同見白雲生

新得河岸一居葺爲讀書處

江上何人擬結鄰卜居曾亦有靈均
鷗同流水難辭狎釣約分潭許借緡
欲治輕舟通後閣暫疏小港待深春
易成竹樹家家乞風雨閒來種畫因

雨阻不得上方廣

初入祝融擬退尋偶因積雨緩遊心
白雲空負孤藤約黃葉虛傳清磬音
雙屐蹉然逢路滑諸峯何處最秋深
只如訪友逢他出縱到柴門愧獨吟

山中

閑外頻將物理尋靜觀亦自廢沈吟
菱收應悔徒爭角蓮

剝何因只苦心
福性允宜辭
擊鼓王門原
不解彈琴遊蹤
必擬遲婚嫁
五嶽盟寒尙
至今

出岫無心罷
遠遊我生家
幸在芳洲人
情自欲分
鳬鴖吞
道何曾怪馬
牛蓴菜早炊
憐赤腳桃花
細雨趁黃頭
逢人盡說忘
機好到底臨
流不狎鷗

幽居未可謂
無營習苦勞
勞自有亭過
客新傳調鶴
法鄰人又送
種魚經籬疏
尙欠陶潛菊
雨漚誰疏庾
信萍更欲縛
茅三百把爲
樓割取數峯
青

聞譚岑止又移寓石盤山卻寄

不隔青山到
石盤就中更
選一煙巒閑
從流水尋門
徑可有桃花
壓釣竿繞樹
幸蒙明月照
舉家眞耐白
雲寒百年

沙洲雜錄 卷第四十五
粗糲畱供給尙有何人問藥欄

清明日方吉偶比部自衡陽郵詩垂訊次韻以答

果然皇甫是安居春草池邊夢亦如同雁應逢蒼水使乾
螢空照杜陵書月明尙有無枝鵲鼎沸猶存不死魚亂後
桃花溪數曲釣筒粗具亦稱漁

過廣平懷申大臬盟

垂楊散馬錦連錢遙望城南尺五天三徑蓬蒿門似水兩
頭書畫屋如船齊人蹈海長畱憾楚客逢秋倍可憐一郡
芙蓉宛澤畔招魂時一爲予寒

送費瞿如還山

蕭蕭黃葉送歸吟流水無絃獨抱琴烽透故園憐瓦合老

依獨樹入雲深秋場得秫催收穫晚岫當窗送夕陰稚子
候門殊不已逐江真得釣人心

湘上晤山長

中流悵望氣全蒸浩浩湘煙綠有層江上夜涼風送雨山
中日久鶴同僧青蠅遽集天難問白馬長流血未澄檣燕
飛飛人寂寂春雲江樹杳無憑

寄懷潘吏部年丈

同條風急各東西夢繞空林烏夜啼聞到厓山悲往事

原注

潘初任廣東高州守得歸王谷便幽棲蜂甜舉國隨花去蟲苦終身
入夢迷堪笑漆園徒喪我據梧隱几物難齊

按潘吏部郎章辰先生名映斗前明癸未進士桂
王時累官太常寺卿入國朝兄弟偕隱威溪屢

微不起有威溪卜築詩四首中有云四朝聞得馮
唐鬢六載曾辭宏景冠蓋紀實也余修武岡志輯
其遺事作傳又謀之州人請入鄉賢梓其遺集未
果近全謝山鮑琦亭外集跋明崇禎十六年進士
錄凡八十餘人以爲皆固守殘山賸水之節以終
其身者而獨不及先生與唐缺庵讀輞庵此詩可
爲鄉先生一雪
九泉之涕矣

鄂口懷吳旣閑

青烽南望歲炎炎何處謀身可卜簾老去哀多聞庾信魂
銷別後獨江淹蒲颺夕指漁梁火明月人畱市酒帘愁絕
江天吟日暮同誰端坐憶茅檐

九日

過隙追風果絕塵何能佳節不傷神打門况有催租吏謀
醉都無送酒人準擬霜催黃到橘時烹葵喜綠沾唇庭空

老樹長相得莫遺悲風過比鄰

寄王而農山中

病鶴無枝帶箭飛經年無穢惜漁磯
繞牀行腳同香飯哀
筑當筵仍故衣築室喜聞名士並望門
眞被酒傭非一蛇
霧隱南天遠綸上何人問割腓

寄漢上李雲田時雲田選刻楚詩

相思定亦到狂生芳草隔江易有情
亡命無緣投李篤閉
門隨意哭荆卿衰同列國憂難續刪到
王風怨可平莫問
杜陵天寶後句中垂老淚縱橫

鄧阜山

按山在茶陵東八十里讀此詩知杜三
之不能不出山也然其言亦可哀矣

盤級開雲谷漸深窮猿到此想投林
龍鱗洞下松閒雨鶴

步涼追竹裏音丹竈可延亡命客黃冠難遂故園心彩雲
南望銷魂盡畱得餘生學醉吟

泰和山

按山在茶陵東北六十里東有鄧山
西有英田山二詩俱見通志山川

斗絕松門迴不羣人天到此竟難分晴
疏綠凍霜畱午晚岫青來日未曛
縛帚及時閑埽地移瓶絕頂去收雲
諸緣寂寂垂悲涕四望塵中百戰紛

呈何象岡閣老

麻屨憔悴獨天涯處處盆香望翠華
共說臨河思寇準誰憐流涕自長沙
西枝廢不藏吟甕南渡生全托酒家
二十四橋煙月在含情不獨爲梅花

和詠鶴

永日虛簾晝不開
癡癡簾外護蒼苔
隨琴曾冒青天險
趁月新從赤壁回
屢勸加餐方學釣
深憐無伴又移梅
自來處世心何厚
不問賢愚報客來

聞琵琶

金縷紅文紫錦絛
當時曾喚鬱輪袍
江州濶絕無人聽
明月開簾撲鳳槽

春來小鳥喚提壺
馬上樓頭意氣粗
臥聽有人潛下淚
不堪回首問江都

報子遠投佳筆二矢以索書

自笑中書老見疏
一雙真擬北宮如
年來著有枯魚賦
不稱平原千祿書

江夜聞角

連壘何年望削平月明哀角散江城
臨戎自受成都節空憶華亭鶴唳清

舟中望南嶽

誰是逍遙第一峯青蒼遞影入舟中
五年前踏芒屨路水石聲涼飯衲鐘

豔詩

家家艾虎玉簪頭郎買輕舸妾上樓
簾捲帆開俱一處避人畱影示同遊

亦有人彈司馬琴梅花不肯嫁春禽
如今眞覺感恩苦吟徧芭蕉夜雨深

偷避侍兒深視月私心夜望汝成名近聞新築買流水愛
有人傳誦讀聲

過方密之

興盡從來笑子猷蹇驢疲似雪時舟桐陰千尺騷人宅定
有秋聲上小樓

看馬卿曉妝後同入園中尋殘梅作

誰人解與說新詩長幟猶傳是楚詞垂柳還來明鏡裏不
知人已畫雙眉

三十株梅香繞屋遊人爭過碧油車傷心怕向高樓望同
入園中數落花

聞歌

悽然小部類華清能妙伊涼宛轉生解變新聲頭已白有
誰還問米嘉榮

春風一曲鬪宜男興慶池荒蝶夢愁紅豆飄零誰倚笛落
花時節憶江南

輓畫僧采石

黃金鎖斷薰風起青草年年面上生最是春來無限憾牡
丹深處哭王耕

聞笛

法部龜茲第一班本師妙技落人聞一春楊柳聲全怨偏
向江南庾子山

雪中種柳

亂絮因風一掬飄
畱鶯送客自今朝
金壠淚下情無限
綠到南朝第幾條

秦中吉農部枉過感謝一首

自注時余爲仇家所中
吉無一面大責當事不

爲直
枉

迢迢天半羨朱霞
碧映岫嶺未有涯
湘漲橫流迷杜若
秦風宛在憶蘼葭
葭石渠藜沒三更焰
玉邃梅吹五月花
豈獨含情憐越石
更持太息到長沙
蓬心未解江湖遠
茅屋還依風雨斜
川媚珠明思化雀
杯畱弓影仍驚蛇
酒酣漫拭三撾鼓
春去全荒五色瓜
車馬不因門冷落
還來江上聽琵琶

述懷呈龔芝麓先生

笑逐東風更倚門
絳紗猶怪鄭公存
酒家傭保名徒變
漁父鄰居花有源
蛇影日常先到盞
鶴謀意豈欲乘軒
祇緣瓦雀頻驚繳
難免羝羊聽觸藩
金馬詼諧眞避世
玉杯冷落亦窺園
蓼中得趣無非苦
李下成蹊自不言
憔悴有鄉羞故里
蹉跎今日負深恩
琵琶易下江州淚
鸚鵡休招夏口魂
到處殘羹驕杜甫
幾人縱酒憶平原
看花空愛春天好
炊桂時聞主者尊
寂寞五侯煙已散
祇餘柳色月黃昏

秋日寄臨江道施愚山

無邊秋色向湘沅
皎皎蒼葭露已繁
宋玉一生悲楚澤
少陵垂老望夔門
白雲湖淨留冰鑑
碧嶂亭閒出阜旛
馬戲無聊羞密友

自注時余友次侯有字及施

墨莊零落媿童孫

自注清江有劉氏墨

詩
青萍含憾新畱匣黃葉行吟舊抱杞當代共知惟有道
一言甯惜重何蕃殘燹四海多垂涕全樹空庭易借恩奉
母自傷無弟妹絕裾難可逮雞豚軍儲近稅垂竿戶詞客
虛招翦紙魂看菊不辭還冒雨披葵遙望莫傷根幾時帶
索歸鈴閣倚壁同看梭化痕

沅湘耆舊集卷第四十五終

沅湘耆舊集卷第四十六

新化鄧顯鶴湘臯編輯

長沙毛國翰青垣校訂

王徵君岱

七十四首

岱字山長湘潭人崇禎己卯舉人入國朝官隨
州學正京學教授廣東澄海知縣薦舉博學鴻詞
科著有了庵文集詩集且園近集近詩浮槎溪上
草堂等集山長工詩兼善書畫少客金陵卽有時
稱及與王阮亭施愚山高念東諸老交其名尤著
康熙己未大科之徵吾楚得與於辟者山長一人
而已山長宰澄海時海上浮一巨木至大百圍長

不計尋丈膚理如漆時乙丑七夕也因名之曰靈
槎作靈槎賦且斯其材建樓曰浮槎集以名焉歿
後邦人祀粟主於樓上浮槎集大半應酬語多蓋

已不復能唱潤城矣茲選皆澄海以前之作
書存目王岱雜文題曰近集蓋以別於近詩然集
非文之專名古例具存分隸殊未允也近詩之未
有楚書姪編校且園集竣一首則兩編皆出所自
定其名且園者近集中有且園記稱康熙丙午七
月就隨州任贊宮有隙地宅而園之曰且園故以
名其集云今世說王山長能詩文兼工書畫嶽
寄磊落以氣節自命髮甫燥名滿海內愚山集
湘潭王君山長博涉羣籍卓犖自負不隨俗俯仰
放遊山水所至與賢豪交歡用氣誼相鉅然諾與之
言侃侃四座莫能難非所心服雖名公鉅卿不苟
推許意有所取凡山人野老方技浮屠之流往往
狎遊相傾倒至於一事之長一言之撰述聲名未
立極爲推引盡其力乃止其爲人也如此故其詩
古文多自成行袖不假繩削終日累數千百言怒

嬉歌哭筆墨淋漓或以爲憤時嫉俗而不知其胸
中鬱結積累使然也孫鉢浮槎詩文集序四十
年前卽知楚有三王君一爲懷人一爲亦世而先
生名最著庚寅余與懷人亦世訂交語及先生則
二公歉然自下乙未遇於長安時嶺南陳國公有
十五國之會奉先生爲敦盤主始得讀先生詩文
匠心獨出絕無依傍而上下數千年論事論世無
不窮源究委盡神以入於化乙丑余探梅羅浮先
生適官澄海治行
皎然不欺其志

鋤園作

憤憤生理廢田園接荒岡吁嗟蕭艾榮蔬苗翻萎黃芒茨
在我眼不但瓜豈荒朝來荷鋤出芟此根蔓長棘蔓豈不
深一掃無遺芒不使非類除安能存秀良灌溉旣不時土
膏失雨暘叢生偏得地焦土猶青蒼物類並生育雜種終
相防徒傷天地心煎迫回中腸

田家雜興

伏鴨多育雌伏雞多育雄古老引舊聞持驗山家豐蠢茲
羽族賤亦以勞化工爲謝古老辭此願非余衷時匱值運
會所憂誠在公爲農貴不妄倚伏安有窮羣雛羽未豐豺
狼號秋風

日月不駐顏壯髮摧哀慕父母有黨屬二三骨齒暮剪紙
魂方招鋤鋤久營墓一身如巫咸顛倒爲鬼誤人命氣歸
盡卷舒類風霧滴淚將何聞徒令有生惡莊樂欲令歡釋
罪欲令懼悠哉遠行人委化豈復顧

答贈故人唐魏子

深篁引溪色白日風煙寒楓林懷苦辛潛采含霜丹出門

望四野懷抱秋冬難故人慰寂寞滿把盈芳蘭佩之清我
神薦之加我餐抱嶺有靈人奇猶愧莫殫叔夜神機空上
心爲我觀願分青泥髓千載生毛翰

施愚山社集賈園

午暝喧華閤燕塵蔽要衝下客多乖崖其氣恆秋冬衆英
聚高會忽復開心胸據此清華居執熱皆冲融層臺倚空
曠魏闕懸雙龍王氣鬱未改慘澹神堯封動搖葵麥秀芳
草青茸茸平泉草木荒流落山園供過眼芳景滅卽事稱
遭逢仰視天外青萬古西山峯

謁蔡忠烈公祠

劫運丁衰季南楚盛兵革斬竿殺長吏所向成捲席大廈

無復支蒙面先遁迹卓哉晉江公神勇森戈戟背城決死

戰瓦解無完壁史垂睢陽青血被平原赤一嘯天為同自注

公善長虹貫日白義士馮孝廉守節避鈎索不惜支體斷

恥頰南雲額義興堵撫軍石友敦宿昔泣血灑九招勒婉

岫樓石配祀屈賈祠馨香不可射我來展祠宇踴擗還踟

躑同罹憂患人苟活愧朝夕自注余時同馮子瀟湘萬頃

清嶽麓九面碧庶幾其來歸為君灑魂魄

按蔡忠烈長沙城內有專祠其祠墓在醴陵坡余刊公遺集時曾得公鈔本行狀為世所不傳者知

公骨已歸晉江此其虛墓所詳見集中嗣又得公手蹟并公像入石街醴陵祠壁近復得馮悞公先

生遺集擬續錢木附忠烈集並行明史忠義本傳亦以悞公名姓附入也

弔謝瑱

枯楊無停風衰草無停霜斯人同物化陰靄垂空堂遺墨
散寒煙萬事都茫茫在日實好道齊物無否臧抱疴息勞
足靈草充丹囊服食豈不補所未休餘糧要當以兵解鍊
形如歸藏昔我浮此生日對神機忘遂覺所入深星月無
短光擁爐候天雪拈花揮清觴有時招元景煙水浮縹緲
自注君詩畫俱工相喻別有故時人羨糝糠鶴飛終絕影鴻爪留
何常翻慙驅殼青冥永相望

校謝興崇禎丙子舉人已丑殉城死已丑之後潭
人爭殉何公死後無子遺其見於紀載可考者新
會令譚景行推官周襄教諭周侯貢生嚴士驥生
員王載王蒙謝直生舉人李馭芳王元兆及興皆
一時名流表表者山長此詩以其抗王師也不
敢明言但云要當以兵解鍊形如歸藏豈知聖
朝寬大之典恤及前朝死事諸臣一體旌諡卽在
諸生草布及不知姓名之流亦令俎豆其鄉以昭

軫慰大公正正洵超軼萬古未
有之盛典正不必曲爲之辭也

弔何黎平 騰蛟

開曠邁百統日月經天行至彼衰晚運英傑亦挺生何公
黔南秀生也實國楨歷仕中外閒動關蒼生情徒手文斗
壁天柱無東傾區區李郭才一身豈不并惜哉武侯策難
與運會爭各鎮甘獻俘解甲東南兵遂使乃公志一簣傾
全城義烈故其餘慷慨非沽名成敗未可議氣識雲霄橫
靈爽豈淪沒河嶽留精英

按黎平以己丑正月二十七日死於湘潭其授命
之地在縣城流水橋坡側有僧推土牆掩之部將
張熾官爲具棺殮殯橋側閱十九年公子某始來
厥櫬以其喪歸黔潭人月夜往往於橋側見朱衣
象簡人徘徊瞻眺蓋公之靈爽實在此矣謹案公
與史忠正瞿忠宣同支前明殘局爲撐持宇宙不

可少之人明史特以公與瞿公本傳殿一代之後
今忠正於揚州忠宣於桂林皆有專祠且招魂封
墓都人士歲時奉祀上冢恐後公於湖南經營戮
力盡瘁隕身與二公同而春秋禋祀獨無一像之
庇一漿之奠建朱子五忠祠以宋之李忠節公何
文毅蔡忠烈及堵文忠劉忠烈章文毅諸公合祀
爲五忠祠事未及行比年復聒之潭人當於流水
橋專建何公祠而以湘潭已丑殉死諸人配享并
求公藻葬處封土樹碑昭示後世近聞潭之士大
夫有稍稍議及此者未知竟能成否楚以南祠宇
相望而煌煌忠義之魂尙無有起而妥之者是不
能無有望於吾鄉維
持名義之君子也

擬古

朝重茵暮輦茀石子岡頭血汗赤爲我語石慰此客魂人
壽非金石骨血安能與子存白日昏翳天爲不光風霾慘
澹沙塵黃爲汝洗此車輪腸母爲氣結橫穹蒼

入平康心腸悲還顧曲涕纍纍環視辛苦俠邪子總此故
國羈孤兒故國不可道羈孤復誰保攬取明鏡姿雲髮亦
徒好龍蛇血戰征誅成流離一代皆傾城造物遂生不適
性天地雖大何不平

後猛虎行

饑來猛虎夜號呼居人吹角爭相驅沿山野燒燒虎穴猛
虎似亦哀窮途居人不解憐虎厄苦死持戈相逼迫豈知
虎怒正難逢橫噬無辜不暇擇可憐茅屋者誰子未與虎
鬪遭虎死多少虞羅暗設人幸脫還來誇絕技造化無憑
難具陳猛虎噬齧君莫嗔

牛山寄生松蓋已得七言律六章韻限詞繁未達神

境恐歲月淹久異物失傳因復志以歌

牛山怪松最殊相枝葉咄咄無松狀有生不資水土力盤
根直寄長松上旁有楓杉恥不傍婆娑虬蟠枝不放懶將
直幹雲霄向附松名松與松同下垂偃蓋青蒙蒙錯節四
合中含空五鬣七鬣孫枝滿空青石黛森鬱蔥迴翔搖曳
白日礙天清氣助生雷風細雨容光無漏入秘密惟許朝
煙通有時松花飭飭香浮蜂一入疑蜜房人言其下多瓊
珀中夜寶氣呈英光靈怪中藏不自炫強回勁節成宛轉
世上如今屈曲多如君百折奈君何

贈汪魏美徐蘭生兩隱者

西山有靈隱松桂森巖扉二老采薇久十年來市稀駐顏

沙洲書齋集 卷第四 六
留黑髮飲憾著麻衣一倍悲歌發斜陽慟哭歸

夜坐

蟲語驚寒夢颯然山夜深遙鐙隔溪隱殘月過庭陰野哭
多新感林秋識舊音年來風物異不但客傷心

宿唐魏子莊

蒼茫一徑入草閣生春陰世路不到此孤筇山夜尋雲迷
嶽峯隱月照寒泉深抵足不成寐長歌接漏音

春日過津公寓庵

安禪忘節序門掩向春晴亂後一身狂定中多慧生乳鷺
巢古木青草上孤城去住了無繫買山空復情

送妙明還南嶽

嶽影望中逼君牖住幾峯伴歸南去雁迎路東垂松時難
行彌苦天寒衲且重買山吾最近早晚報山鐘

秋雨後步溪上值津公至

秋好各相憶臨溪一笑同麻屨過亂水野服受涼風沙鳥
衝煙白晴霓背雨紅知君吟最苦好爲續寒蟲

邗江遇杜于皇口占有詩

白注卽用于皇焦山詩韻

別來三十載尙復滯三山身老詩能隱名高氣愈閑借杯
澆礪磈自注是日得句當躋攀自注于皇詩開口堪同笑斜

陽醉不還

別棕不可道欲語轉無多

自注于皇贈余詩有一別三十

談僅三四

痛定經桑海時艱戀薜蘿憤窮無慷慨遊老熟奔波

獨有名山業千秋定不磨

施愚山有詩寄懷卽韻以答

別來飄泊甚又上計偕書老至才先盡貧添術轉疏渡江
斷父老歸隱媿樵漁搖落湘潭宅遲回未定居

一瓊懸澤國塵市雜蛟居林漲棲無雀城湮網聚漁赭山
秦有火探穴禹無書頗似鄭虔謫台州音信疏

陳則梁先生招遊海月庵觀壽藏

野艇迎山客村庵倚石橋亭臺無近制碑碣已前朝麥浪
春方漲天風海欲潮與君忘世事白日坐來消

泛湖

原注同嚴子問趙珍畱吳錦雯葉緯如孫字台
張祖望張用林徐橫槎梁仲木蕭伯闇王次重

金瑞枝和
姜貞源韻

禮法容疏放招攜共酒杯山容隨岸改秋色逐人來哀柳
疏難折殘荷晚更開爲憐良會少畫艇不輕回

歷下

五月閑吟客栖遲歷下亭做裘經幾雪衰鬢帶繁星沙暗
天難白春深草不青主人無北海何處足居停

新燕

自注時
兵後

比屋哀鶯寡空梁舊壘迷忍棲無主宅嬾上覆巢泥道險
憐雛小天高惜羽低托生應有命驚鳥謾雲齊

寄程穆倩

十載秦淮夢頻來識未曾新詞歌妙妓畫筆入枯僧宅畔
如揚子鄰家卽杜陵

自注杜子
皇寓和江

欲尋桃葉舫定爲破春冰

雪中舟過朱閣子湖上及岸未登

湖光風雪暮興盡遂難乘鴉散將昏岸鐘鳴欲定僧村煙
青晚爨漁火白宵簷應有幽人望扁舟識未曾

過張螺浮南郊山莊

出郭路微茫郊原草木蒼新晴喧乳燕春女聚柔桑海色
千尋立人煙一帶香故人居宛在清絕讀書堂

永州道中示易無畫

松影碧搖搖無風亦自濤寒花隨湖落細路入峯高雲動
低依客煙深遠唱樵嶽青九面外此地足誅茅

送易無畫下第還零陵

楓落添霜色故人歸舊山青雲無路入白髮帶秋還蘿薜

仍初服寒花對旅顏莫將和氏淚洒入澹巖間
廿載干戈後重逢尙故顏酒杯消永日詩卷寄名山玩世
同山纓全身雜洞蠻蒼梧無限日日暮看煙鬟

遊吉州青原用施愚山韻呈無可和尚

法幢龍象護金碧雁堂開溪水穿廊出峯巒入殿來池清
塵自洗石古潤無苔繞佛時三市山鐘叩幾回

渡花石登天馬峯

半夜巖風雪滿船一橫煙嶂隔如屏寒深塞斷荒雞語雲
重峯餘天馬青路入幽巖梅早發地當名嶽氣多靈聞鐘
不敢攢眉去未有溪頭惠遠亭

雨阻太乙廟同唐魏子

積雨連旬天晝陰
高樓五月夏寒侵
雞棲籬落不知曙
燕溼飛花嬾山林
落魄易添羈旅憾
故園端繫暮年心
與君惆悵南還路
望斷四山煙霧深

秋雨寒甚送唐魏子省試

高帆直欲乘長風
秋水洞庭百川通
天地大觀入胸眼
文章灝氣生洪濛
應逢小范識司馬
自有大蘇驚富公
古來磊落遇如此
不可苟合修時容

遺愁

亂草哀蟬風日淒
窮簷兀坐夕陽西
過庭時有在
山虎野哭不聞
亭午雞
世事癡兒全未了
物情莊叟苦難齊
披衣卻憶柴桑侶
信步相過且杖藜

書津公扇用袁參風韻

亂畱豺虎窟中魂畏向寒溪問里門家破更無知已在友
亡猶有病僧存蹉跎白髮風塵色偃蹇青衫涕淚痕握手
重逢話疇昔牛衣中夜不曾溫

憂歲

疾呼雲漢尙昭回野老憂天謾自哀淚血千行難化雨腸
輪九轉不成雷救荒無術思休粒換米何人索畫梅不及
陶潛風味迴饑驅猶爲問村醅

龔芝麓先生見和趙韻再次以報

五度春明駒隙忙一經終飽甕壚黃客塵驢背千山惜旅
夢鵑聲百草芳愛士尙餘嚴節度不材甘棄孟襄陽新詞

捧罷窮愁減漫擬奇文愈癰方

陶仲調先生以詩見懷和韻寄之

廿載烽煙久各天尺書無復雁魚傳松風每羨通明宅故
物深慙子敬瓊共歎直鉤難著餌誤將方枘欲投圓新詩
讀罷添歸思應向滄浪問釣船

寄呈青溪先生

風流文采舊香山健步林泉芝朮顏麈尾松閒塵自遠蒼
聲花外畫長閑機鋒三昧偕高衲點染千峯付小蠻近日
山陰欲乘興雪中無棹漫空還

題周櫟園讀畫樓

挂笏朝來爽氣浮虎頭遺筆滿滄洲全圖松菊栽三徑盡

塙峯巒載一舟見說庾公猶逸興可憐王粲怯登樓石頭
高踞秦淮水便擬乘槎泛海流

送趙國子遊粵東寄懷吳錦雯司李

遊子擔簦向廣州西風蕭颯贛江頭煙花百粵難爲客陰
雨南天總是秋此去好將琴碎市何人解贈麥盈舟自注國子

家有三崖山鸚鵡能言語莫漫臨深起舊愁

步曾旅庵韻兼簡于慧男

自注時慧男令廬陵

愴盡清流白馬津花源何處避秦人吟成綺語難超劫畫
取青山不救貧出世莫尋高士傳濟時空現宰官身欲知
化俗文翁異尙有無懷以上民

七夕風雨戲占

彈指三秋望此宵無端憔悴又今朝踉蹌雀渡波濤險潦
倒雞鳴風雨驕自是星宮緣倍薄始知仙劫累難消人間
多少癡兒女白首相依看彩橋

同劉杜三晚步圓慶寺看金魚池

風沙雨後淨無飛草岸瓜畦盡翠微古寺梵鐘閑累劫高
樓歌舞入斜暉魚吹藻荇應知樂人自風塵易息機此地
重來忘歲久只今花髮已全稀

寓劉儲升江樓

出山猶勝住山幽爲愛君家江上樓風送岸花粘客袂雨
來煙嶂壓行舟遙峰入幕青無已野水平天穩不流獨有
海翁機事絕朝看沙鳥暮浮鷗

久擬浮家坐釣舟江村漁市滿汀洲春深蘭芷隔江綠湘
漲魚龍終夜浮雨意欲來風滿櫓月光纔上水明樓杜陵
野哭吞聲久聊爲行吟散百愁

元日登雨花臺謁方正學墓二首

石城春藹動鼓灰炫服新妝紫陌開萬戶管絃新歲事六
朝花雨舊荒臺空留正氣冰霜永重記春王正月來薤露
芊芊惆悵盡東風酬酒不勝哀

羊腸石徑舊祠荒拄杖看山拜墓傍老去松喬還白翠春
來花草不成香鍾陵王氣瞻龍虎楚國狂歌泣鳳皇千載
長干君故里幾人相望欲褰裳

秋夜聞雁

一行風露帶宵征
憐爾崎嶇絕塞程
幾日關河辭故土
全家負帶免羈情
相將旅病常依序
恐失雲深互答聲
鳬鳥謾追南去影
高天別自有飛鳴

集胡孝緒河房送李語齋湖上

原注同胡君信陶仲調劉杜三杜子皇程

穆倩

西子湖頭春水生
微煙細雨蕩舟輕
年華莫負此時日
花鳥當場卽盛平
二竺梵鐘雲外響
六橋鐙火月爭明
當年南渡非長策
未必臨安勝汴京

蔡伯玉過山莊

干戈六載各天涯
悲喜重逢尙有家
兒女別來俱壯齒
鬢黃添處但霜華
居連白社惟禪隱
飯向青門有豨瓜
肯與

東籬分半榻深秋相聚醉黃花

次衲拾殘雪中過訪韻

原注僧卽陳五簋

齋禁蠶鹽挂衲瓢慙將雞黍舊時要無家我亦如僧舍薤
髮君猶念舊寮七日遶峯經雪巘九年面壁倚江潮趙州
咫尺邯鄲道莫謾機鋒度石橋

原注時將北遊

次韓聖秋和陳允倩韻

曰歸路熟一車輕早晚微雲入岫行幾歲上書伺賈傳一
人知己感虞卿西懸華嶽高難竝北望渾河不易清莫以
霜天怨搖落東臯春及好躬耕

晤郭天門先生長沙舟中憶隔十一載

丹崖翠壑白雲封洗衲淙淙百結重

原注公已爲僧

隱去狂歌仍

比鳳年來老子尙猶龍東籬自擬成三嘯

原注公及尹西洞庭熊魚山

讓難忘是四松

原注家在石門

歌作五噫關吏訝賃春廡下學吳

備

趙石君赴官集周圍紀別

莫將別緒動悲吟師友君臣誼並深三顧定舒梁甫膝一封須盡賈生心日生東海消殘雪霖散南湘望作霖此去治平堪屈指不徒縣筆擬饒音

答戴初士見贈詩

原注君赴沅州監司

幾載湖濱隱叔倫高牙驚見舊綸巾攜來匡嶽雲霞色回盡沅湘草木春不繫一竿風與雨空存七尺病兼貧自憐晨夕何堪數謾向無功問買鄰

原注君欲居湘上

送趙孟遷南還

遊子悲歌憶故鄉
西風衰颯鬢邊霜
釜懸無爨因人熱
袍冷難分煖客裝
酒後放言須檢束
老來別淚不尋常
黃花歲有南中雁
爲記衡陽與報章

陳珪庵朔日設齋招龍隱和尚並大化衲子時胡山公後至因戲簡珪庵

略有顛毛亦是僧
齏鹽脫粟幸無憎
勝心消盡修羅劫
道眼誰傳正法燈
但使鐘聲過惠遠
不須春杵問盧能
龐公近日誰能會
女嫁男婚得未曾

自五臺庵至北塔同車孝思作

嵩公寂後五臺荒
雲水依栖選佛場
第一義今誰薦取
投

初機已落微茫翻江急浪悲船子枯木寒灰冷石霜獨有
春風渾無意山頭依舊百花香

送舊令翁曰可還常熟

束帶天涯鬢已霜無邊苦海嘆蒼茫安絃膠柱音誰解茹
蘖加茶味共嘗浮世戲場原易盡故鄉歸路不嫌長與君
聚散皆匆遽落月空思照屋梁

青蓮庵

竹亭斜覆半潭煙老衲時多不語禪欲識暑消無事意廚
中破竹引山泉

火崖崖中有石牀

樹老無枝噪老雅寒封苔滑石門斜祝融近在何方隱桐

裏胡牀積雪花

瀟水源袁家渴一帶

雨後遙峯夾岸青雲蒼霧碧半江停輕橈取次憐幽險直
入瀟湘墮杳冥

箭峯

火杖魚腸鳥道閒渾疑靈運舊躋攀不愁幽險山靈秘是
夜月明千萬山

華不注山

華注山邊歷下田華注山下多名泉杜陵有詩續不得孤
負蒼蒼九點煙

畫小景寄劉杜三

一壑一丘高枕閑經年無事不開關那知門外秋冬換黃
葉庭前積滿山

愚溪橋

曳杖溪橋聽暮流蓼花紅醉一汀秋斜陽直下弄溪色沙
鳥驚飛山半幽

題畫桃源華陽二圖寄陶仲調先生

此後無人更問津洞中虛負武陵春豈知栗里遺風在依
舊桃花作主人

初無彭澤歸來事豈受山中宰相名一片冰霜門館肅冥
心高坐聽松聲

寒泉幾疊雜松濤萬壑冰霜閉戶牢莫謂桃源無歲月此

中桑海坐來消

題諸呈督府堵公

山深水深煙霧深
洪濤拍天白日沈
孤舟不管閑風雨
容我漁竿坐綠陰

穀日同拾殘津公遊碧泉同宿唐魏子宅

晴色生羣動
寒泉始汨流
龍湫何日竇
靈草四時幽
雪避崖巒煥
煙生柵葉稠
無塵波自洗
不夜月先投
翠滴青山入
沙虛白浪浮
梅花前索句
人日後重遊
春氣忙如蝶
餘生聚似鷗
苔莓諸佛壞
蕭瑟數村畱
若下人難遇
瓊漿飲謾求
山農烹雀舌
穉子割鴻溝
野燒連霞赤
春燈帶雪篝
敲推今頂島
潑墨舊僧繇
白社驚三嘯
青門賤五侯
莫憐

良會晚俯仰共滄洲

沈湘齋舊集卷第四十六